



**Hvmanae Salvts Monvmenta**

**Arias Montano, Benito**

**Antverpiae, [1571?]**

In tabulam Christi regis Ierosolymæ declarati. Ode Sapphica LI.

---

[urn:nbn:de:hbz:466:1-68924](#)

In tabulam Christi regis Ierosolymæ declarati.

ODE SAPPHICA LI.

PVLCHRIOR nunquam, licet usque fastos

Iebusum à priscis repetas colonis,

Sol prius luxit Solymum beatæ aue

Gratior urbi;

Quam per optatis ubi tempus annis

Obtulit magni faciem videndam

Regis, arcano cecinere qualem

Carmine vates.

Cui dedit nutu pater efficaci

Pellere infanda mala damna fraudis,

Et nouæ ingrato retulisse mundo

Secula vite.

Hunc ut exceptum populi valerent.

Cernere, & certis celebrare signis,

Vexit insuetus iuga ferre lenta

Pullus asella

Principem, non ut quibus intumenti

Folle ventosum vitiosa pectus

Vrget, infestis populo, cupido

Ambitioqz.

His potestatum specie superba

Arrogat laudes metus, atque honores,

Multa mentitos male blandientis

Munera linguae.

Huic sed eternos meruere planus

Dona doctrinæ memorata dñe,

Atque morosis medicina præsens

Addita morbis.

Vidimus castos pueros canoro, ac

Virgines Regem coluisse versu,

Et salutarem meminisse, & alto ex

Aethere missum.

Quin & insonteis oleæ virentis

Pacis auctori piæ turba frondes

Spargit, & vestes properat, cupitqz

Sternere eunti.

Nam probat sanctum potiusqz dignum

Euchi iunctis humeris colentum,

Quem Deus terris iubet esse regem,

Pontificemqz.

SALVTIS PROPOSITIO.

*Christum sponte tibi venientem suscipe mitem.  
Si non suscipias, experiere grauem.*



REGI LEGITIMO DECLARATO S.  
In